

A Su divinidad (Juan 1:1-5).

- ❖ Juan ta kuminsá dor di deklará kuater bèrdatan fundamental tokante di e Palabra, Hesus (Jn. 1:1-3):
 - Su preeksistensia (“ na prinsipio”)
 - Su intimasia (relashon íntimo) ku e Tata (“ tabata ku Dios God”)
 - Su divinidad (“ E tabata Dios”)
 - Su poder kreativo (“ tur kos a wòrdu trahá dor di djE him”)
- ❖ E aparente kontradikshon entre e dos deklarashonnan aki ta evidente. E tabata KU Dios òf E TABATA Dios?
- ❖ Laga nos analisá e teksto Griego gramátikamente:
 - ““E verbo tabata ku *τοῦ θεοῦ* (e Dios)”: E artíkulo “e ” ta definí un entidat spesífiko, un persona yamá “Dios.” Hesus tabata ku Dios e Tata.
 - ““*θεοῦ* (Dios) tabata e Palabra”: Faltando un artíkulo definitivo, e ta referí na un konsepto. E ta deklará Hesus Su naturalesa divino. E ta Dios. Di e mesun manera ta wòrdu bias ku “El a bira *σὰρξ* (karni)” (Juan 1:14), sin un artíkulo definitivo, deklarando Su naturalesa humano. E ta hende.

B Su humanidat (Juan 1:14a).

- ❖ Un otro palabra Griego ku nos mester tene na mente ta esun ku Juan ta huza pa referí na Hesus den su prólogo: *λογος*. Esaki su tradukshon ta: “ Palabra.” Hesus ta e Palabra. Ki palabra?
- ❖ E frase di apertura mes ta trese na mente e promé palabranan di Genesis: “ Na prinsipio Dios a krea ” (Gen 1:1). Y kon Dios a krea? Ku e palabra (Gen. 1:3, 6, ...)
- ❖ E Tèstament Nobo ta afirmá repetidamente ku Hesus ta e kreador di tur kos ku ta eksistí. E ta e Palabra Kende a duna forma i eksistensia na e universo kompleto (Juan 1:3; Col. 1:16; Heb. 1:2).
- ❖ Den e Tèstament Bieu, e Kreador a ekspresá Su deseo pa biba meimei di nos (Eks. 25:8). Awor, e Kreador ta hasi asina den forma físiko. E ta “biba” meimei di nos (literalmente, “ a kampa,” a lanta(arma) Su tènt entre nos).
- ❖ Dios Todopoderoso a bandoná Shelu i a bira un kriatura sin poder. Pakiko? Pasombra El a stima e kriaturanan sin poder aki (nos) asina tantu ku E tabata kier a libra nos for di piká i duna nos un futuro na Su lado.

C E aseptashon òf rechaso di Hesus (Juan 1:9-13).

- ❖ Na prinsipio, e mundu tabata rondoná dor di skuridat físiko (Gen. 1:2). E ora ei, Dios — dor di Su Palabra — a iluminá físikamente e mundu, separando e lus for di e skuridat (Gen. 1:3-4).
- ❖ Awor, Dios mes, den e persona di Hesus (e Palabra), a bini na un mundu rondoná dor di skuridat spiritual, pa ilumina esaki ku Su lus (Juan. 1:4-5).
- ❖ Pero e mundu ku El a krea no a rekonos’E, ni esaki no tabata kier pa wòrdu iluminá dor di dje (Juan. 1:9-11).
- ❖ E bon nobo ta ku na tur kende ku a risibíE, i na tur di nos kende ta kere den djE awe, E ta duna nos un regalo bunita: pa bira yiunan hòmber i yiunan muhé di Dios (Juan. 1:12).
- ❖ Den e Evangelio di Juan, e divishon di humanidat den dos grupo grandi ta evidente: esnan kende ta aseptá i esnan kende ta rechasa Hesus.
 - Esnan kende ta aseptá:
 - (1) Nan no ta kondená (Juan. 3:18a)
 - (2) Nan ta bini na e lus (Juan. 3:21a)
 - (3) Nan echonan ta wòrdu hasí den Dios (Juan. 3:21b)
 - (4) Nan ta risibí bista (Juan. 9:39b)
 - (5) Nan ta bira yiunan di lus i no ta den skuridat (Juan. 12:36a, 46)
 - Esnan kende ta rechasa.
 - (1) Nan ta wòrdu kondená (Juan. 3:18b)
 - (2) Nan no ta bini na e lus (Juan. 3:20a)
 - (3) Nan no kier pa nan echonan wòrdu reprendé (Juan. 3:20b)
 - (4) Nan ta bira siegu (Juan. 9:39c)
 - (5) Nan lo wòrdu huzgá pa nan rechaso (Juan. 12:48)

D E gloria di Hesus (Juan 1:14b).

- ❖ Kiko ta e gloria di Hesus?
 - Promé ku tur kos, e gloria (onor) ku El a gosa (desfrutá) di djé ku e Tata promé di a wòrdu enkarná, i kual El a rekobrá despues di Su asenshon (Juan 17:5).
 - Na di dos lugá, e gloria di bira un ser humano. Un gloria ku no a wòrdu apresia na e tempu ei dor di hende, pero a wòrdu mirá ku admirashon dor di Shelu (Juan 1:14).
 - Na di tres lugá, e gloria di e krus. Riba e krus, Hesus a logra Su gloria di mas grandi, pasombra El a demostrá fuera di tur duda e amor di Dios pa tur Su kriaturanan (Juan 12:23-24).
- ❖ Riba e krus, Hesus a wòrdu glorifiká dor di e Tata, i e Tata a wòrdu glorifiká dor di Hesus (Juan 17:1). Tur di e Divinidad a partisipá den e sakrifisio supremo hasí pa hende (Juan 3:16).